

Jaialdia
Literaktum

20

DK
memoria

24



Jaialdia LITERAKTUM

Literaturarekin hitzordu sendoa

Azaroaren 11tik 24ra, Hitzen Hiri bihurtu zen Donostia Literaktum 2024 jaialdiarekin, antolatutako 53 ekitaldietan 8.400 bildu zituen edizioan. Donostia Kulturak antolatzen duen jaialdi honek literaturaren eta beste diziplina batzuen arteko elkarrizketarako erreferentziagune izaten jarraitzen du; 2024ko edizioan, *Letrak zeruertzean* gaia jorratu zen, gatazka sozialetan, gerretan eta haien ondorioetan zentratuta.



Dolores Redondo © Iñaki Rubio



Eduardo Halfón © Iñaki Rubio

Figura nabarmenen parte-hartzea

Izen handiak izan genituen gure artean, hala nola **Eduardo Halfón**, **Monika Zgustova**, **Carmen Mola**, **Dolores Redondo** eta **Adania Shibli**. **Enrique Vila-Matas** idazleak **Luis Martín-Santosen** mendeurrenari eskainitako hitzaldi batean izan zuen parte-hartzea izan zen momenturik nabarmenenetako bat.

Literaktum Aperitifa: berritasun arrakastatsua

Lehenengo aldiz antolatu zen *Literaktum Aperitifa*, jaialdia ofizialki hasi baino lehenagoko ekitaldi bat, azaroaren 7an ospatu zena, eta **Martín Caparrós** kazetari eta idazleak hartu zuen parte. Ekitaldi horrek jende asko erakarri zuen, eta jaialdiaren egun nagusien atariko sendoa ezarri zuen.



Markos Gimenoaren Karteletrak erakusketa © Iñaki Rubio



Carmen Mola © Iñaki Rubio

Egitarau anitza

Literaktum jaialdiaren 2024ko edizioak, literaturaren inguruko hitzaldiak eta aurkezpenak eskaintzeaz gain, bestelako ekitaldiak ere eskaini zituen, hala nola *Gernika, ikur bat baino gehiago* errezitaldi musikatua, Kafkaren *Metamorfosia* lanean oinarritutako irrati-antzerkia, eta haren omenezko afari tematiko bat. *Bertso saio espekulatiboa*, erakusketak eta Kutxa Fundazioa Donostia Literatura sarien banaketa ere izan genituen.

Funtsezko kolaborazioak

Nabarmentzekoa da kolaboratzaile-sare sendoa duela jaialdiak, hainbat erakunde barne, hala nola **Kutxa Fundazioa**, **Goethe Institut**, **Acción Cultural Española**, **UPV/EHU**, **Biblioteca Nacional de España** eta **Gipuzkoako Liburudenden Elkarte**.

Erakusketak eta omenaldiak

Egitaraua osatzeko, **Iau** erakusketa egin ziren, tartean **Luis Martín-Santos: Askatasun garaia**, San Telmo Museoa, eta **Markos Gimenoaren Karteletrak**, Ernest Lluch Kultur Etxean.



Sabina Urraca & Ines Azpiazu © Iñaki Rubio

Literaktum Txiki arrakastatsua

Hurrei zuzendutako Literaktum Txikiak hainbat jarduera eskaini zituen, ipuin-kontalariak, antzerkia eta ilustrazio-tailerrak, besteak beste. Bere laugarren edizioan, **Nur-en abenturetan** oinarritutako **Ilustrazio Lehiaketak** 250 proposamen jaso zituen, eta jaialdiak gaztetxoenen artean irakurzaletasuna eta sormena sustatzearekin duen konpromisoa berretsi zuen.

Emakumeen protagonismoa eta aniztasuna

Literaturaren eskutik, gaurkotasuneko gai sozialei buruz hausnartzeko espazioa izan zen jaialdia. Emakume idazle ugari hartu zuen parte, hala nola **Dolores Redondok**, **Monika Zgustovak** eta **Adania Shibli**, eta parte-hartze horrek Literaktum jaialdiak duen ikuspegi inklusiboa eta anitza azpimarratu zuen.

Espazio anitz eta irekiak

Hiriko askotariko espaziotan egin ziren jarduerak: **kultura etxeetan**, **liburu-dendetan**, **Victoria Eugenia Antzokian**, **Antzoki Zaharrean**, **San Telmo Museoan** eta **Gastronomiaren Euskal Kofradian**, besteak beste. Sakabanaketa geografiko horri esker, Literaktum jaialdiak literaturaz blaitu zuen hiri osoa.



Beñat Sarasola © Iñaki Rubio

Presentzia digitala DK ON! eta DK Irratian

Ekitaldietara joan ezin izan zirenentzat edo haiek berriz bizi nahi dutenentzat, jardueren audioak entzungai daude DK ON!-en, DK Irratian eta beste plataforma digital batzuetan, era horretan jaialdiaren eskuragarritasuna eta irismena indartuz.

Etorkizunari begiraten dion jaialdia

Balantze positibo batekin eta parte-hartzeari dagokionez markak hautsita, Literaktum jaialdiaren 2024ko edizioak berretsi egiten du literatura eta eztabaida garaikideak sustatzearekin duen konpromisoa. Publikoaren eta erakundeen inplikazioak jaialdia Donostiako kultura-ekitaldi garrantzitsuenen artean sendotu dadin bermatzen dute.



Monika Zgustova © Iñaki Rubio